

江寧府志

二十九

漢書門			
二	三	九	九
四	八	一	八
冊	架	函	號類

內閣文庫			
元	二		漢
二	三		書
函	四	九	
大	八	八	
架	冊	號	類

內閣文庫	
番號	漢 2398
冊數	48 ( 40 )
函號	292 14



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





江寧府志卷之二十九

災祥

大學東  
校一藉

淺草文庫

日月重輪星雲復旦理有常吉萬民衍衍水旱蝗疫  
聖世不無敬天之怒敢不特書作災祥志

周孝王十三年大雹江凍

漢惠帝五年夏大旱江水少

呂后三年夏江水溢

八年夏江溢

永平十二年堂邑旱

延光二年七月丹陽山崩四十七所



建和元年揚州饑遣府掾分行賑

建安元年江淮饑民相食

建興二年江東地震

九年五月建業有野蠶成繭大如卵

十二年八月隕霜傷穀

十四年自去年不雨至於夏

十五年五月江東地震八月白麟見建業有赤鳥群

集吳前殿吳主權遂改明年元

延熙二年正月江東地再震

四年正月大雪平地三尺

八年夏震吳宮門柱又擊南津大橋楹

十一年江東地震

十二年四月有兩鳥啣雀墮吳東館將軍朱據領丞

相燎雀以祭

十三年八月丹陽句容諸山崩鴻水溢吳主權原逋

責給貸種食

十四年五月吳主權遣中書郎李崇齋印綬迎羅陽

王表表至建業爲立第于蒼龍門外遂用其語改

年立后八月朔大風江海湧溢平地深八尺吳高

陵松栢皆拔郡城南門飛落



十七年七月江溢

十九年二月建業火

景耀元年有風四轉五復蒙霧連日

四年五月大雨水泉湧溢

五年二月白虎門北樓災八月大風震電水泉湧溢

炎興元年石頭小城火燒西南百八十丈

吳建衡元年二月天火燒萬餘家死者七百餘人

三年正月西苑言鳳皇集遂改明年元嗣是遂大疫

逮三年

天紀三年建業有鬼目菜生工人黃耆家依緣東園

又有蕒菜生工人吳平家如枇杷形兩邊生葉

色東觀案圖名鬼目作芝草買菜作平慮草遂以

耆為侍芝郎平為平慮郎皆銀印青綬

晉大康二年二月丹陽地震

四年冬揚州大水

五年八月丹陽地震

九年正月丹陽地震四月江南地震

十年十二月丹陽地震

元康五年六月揚州大水詔遣御史巡行賑貸十二

月丹陽建鄴雨雹尋大雪



六年五月揚州大水

九年正月丹陽地震

太安元年有石浮來建鄴入秦淮夏架湖登岸二百餘步百姓咸驚譟相告曰石來明年石冰入揚州

永嘉三年夏大旱江竭

建興四年十二月白玉麒麟神璽出於江寧其文曰長壽萬年

大興元年六月旱帝親雩十二月江東三郡饑賑之三年四月江東大饑詔百官言事丹陽地震

四年八月黃霧四塞

永昌元年八月暴風壞屋拔御道柳樹百餘株其風縱橫無常若自八方來者十月京師大霧黑氣貫

天日月無光閏十一月京都大旱川谷並竭

太寧元年正月癸巳黃霧四塞京師大火五月丹陽

大水七月丙子朔震太極殿柱

二年四月庚子京都大雨雹鷲雀死

咸和二年五月京師火又大水

四年二月大霖雨城中大饑米斗萬錢七月丹陽大水

五年無麥禾大饑



六年正月會州郡孝秀于集賢堂有麀見獲之

咸康元年二月揚州諸郡饑遣使賑給

二年七月揚州饑開倉賑給

八年正月乙未朔京都大雨

永和七年七月濤水入石頭溺死者數百人

九年八月京都地震有聲如雷

興寧元年四月揚州地震

太和六年六月京師大水平地數尺浸及太廟朱雀

大航纜斷三艘流入大江丹陽諸縣稻稼蕩沒

十二月濤水入石頭

寧康元年三月京都大風火大起

三年十二月神獸門災

太元五年六月震含章殿四柱

六年六月揚州大水江東大饑

八年二月黃霧四塞

十三年四月祠太廟畢有兔行廟堂上十二月戊子

濤水入石頭毀大桁殺人乙未大風晝晦延賢堂

災

十四年七月宣陽門四柱災十二月雨水

十五年八月京師地震



十六年五月飛蝗從南來集堂邑縣界害苗稼六月  
鵲巢太極殿東鴟尾

十七年六月癸卯地震甲寅濤水入石頭毀大桁漂  
船舫有死者冬旱

二十一年十月大雪

元興元年十月黃霧昏濁不雨

二年京都大饑人相食

三年二月庚寅夜濤水入石頭商旅方舟萬計漂敗  
流斷骸齒相望謹譁震天

義熙元年十二月濤水入石頭明年亦然

五年五月溧陽雨雹六月震太廟

六年震太廟鴟尾宮城及御道左右皆生蒺藜

九年五月京都大火燒數千家

十年五月西明門地穿水湧出

十一年七月京師大水壞太廟所在火起

宋元嘉四年五月建康疾疫遣使存問給醫藥無家者  
賜以棺器

五年正月戊子丹陽火遣使巡慰賑賜六月復大水  
遣使巡行賑贍丙寅震太廟破東鴟尾徹壁柱

七年建康火延燒太社北墻



八年揚州諸郡旱

九年春丹陽雨雹溧陽尤甚傷人畜

十一年五月建康大水

十二年四月建康地震六月丹陽諸郡大水邑里乘船

十四年三月丙申大鳥二集秣陵民王頴園中李樹上狀如孔雀揚州刺史彭城王義康以聞改鳥所

集永昌里曰鳳凰

十九年閏五月丹陽雨水遣使巡行賑卹

二十一年六月建康連雨百餘日大水

二十四年六月丹陽大水疫癘遣使行郡縣給以醫藥

二十五年四月元武湖青龍見五月黑龍又見

二十八年三月乙酉建康大旱民多疾疫

二十九年二月雷雨雪三月大風拔樹五月丹陽霖雨傷禾稼十二月黃霧四塞

大明元年正月建康雨水遣使檢行賜以樵米四月丹陽疾疫遣使按行賜給醫藥死而無收者官爲歛埋五月紫氣出景陽樓迴薄久之改爲慶雲樓五年七月丙辰丹陽雨水遣使巡行窮弊之家賜以



薪粟

七年四月大風折和寧陵華表鍾山通天臺一夕飛  
倒散落山澗中

八年冬建康饑米升百餘錢死者十六七相枕于道  
命建康秣陵二縣為薄粥賑之

秦始二年六月建康雨水九月建康大風

三年正月庚午建康大雨雪遣使巡行賑賜各有差  
秦豫元年六月建康雨水詔賑卹二縣貧民

元徽元年八月建康旱

三年正月丹陽大火三月丙寅建康大水遣使檢  
賑賜戊辰火延燒數千家五月雨雹

昇明三年二月地震建陽門十二月朱雀航華表柱  
生枝葉

齊永明五年六月建康秣陵水遣官長隨宜賑賜

六年四月石子岡栢木化為石

八年八月建康霖雨遣中書舍人及長吏賑恤

十年十一月霖雨遣使賑賜建康秣陵居民蘭陵民  
齊伯生於六合山獲金璽一紐文曰年予主

十一年三月震東齊棟崩六月建康霖雨遣使賑之  
建武二年二月地震



永元元年七月建康大風十圍樹及官舍居民屋皆  
偃拔丁亥大水詔賜死者材器并賑恤

中興二年江東大旱米斗五千民多饑死

梁天監三年建康疫

五年十一月建康地震

六年三月有三象入建康八月建康大水

七年五月建康大水

十二年四月建康大水

普通元年七月江溢

二年五月璇琰殿火延燒後宮三千餘間

三年正月建康地震

六年十二月建康地震

中大通元年建康秣陵疫以身禱於重雲殿九月辛

巳朱雀航華表災

五年正月戊申建康地震五月建康大水御道通船

大同二年十一月建康秣陵地震

三年正月辛丑朱雀門災壬寅天無雲雨灰黃色十

月建康秣陵地震民饑

七年二月建康秣陵地震

中大同元年四月丙戌浮圖災梁主曰此魔也更宜



廣爲法事遂起十二層浮圖將成值侯景亂乃止  
太清三年四月己丑建康地再震

大寶元年自春迄夏大饑人相食建康秣陵爲甚

太平二年十二月庚辰建康大火

陳永定三年正月夜大雪及旦太極殿前有龍跡見閭

四月久不雨如鍾山祭蔣帝廟是日雨至於月晦

天嘉六年七月有大風自西南至廣百餘步激壞靈

候樓甲申儀賢堂自壞

大建七年九月臨樂遊苑採甘露立甘露亭于覆舟

九年七月己卯大雨震萬安陵華表

十年三月震武庫六月大雨震電

十二年六月大風壞陳臯門中闔八月大雨霖

十三年九月夜大風至自西北發屋拔樹大雨雹

十四年四月自建康至荊州江水赤

禎明元年臨平湖開造太皇寺起浮圖未畢火從中  
起焚之江自方州東至海赤如血

二年四月有群鼠自蔡洲岸入石頭渡淮至於青塘

兩岸數日死五月東冶鑄鐵有物赤色大如甕自

天墜鎔所有聲隆隆如雷鐵飛出牆外燒民居六



月大風拔朱雀門濤水激入石頭淮渚暴溢漂沒舟乘又府城自壞青龍出建陽門井中湧赤霧

隋開皇九年正月己丑朔陳主朝會群臣大霧四塞

大業十三年自淮及江東西數百里絕水無魚

唐貞觀八年七月江淮大水

總章元年江淮旱饑

嗣聖九年五月禁屠殺採捕時江淮旱饑民不得捕

魚蝦餓死甚衆

十八年地震

開元十四年秋大風自東北來海濤沒爪步

十二年江寧災焚青營署踰月

宋太平興國八年七月江水溢

雍熙二年三月江南民饑許渡江自占四月遣使賑之

淳化四年二月江南饑遣使巡撫

五年江南疫

至道三年昇州旱除今年秋稅

咸平三年江南旱賑之

景德元年閏九月江南旱遣使決獄訪民疾苦祠境

內山川



大中祥符元年春昇州黃雀羣飛蔽日有從空墜者  
二年四月昇州大旱火遣御史訪民疾苦蠲被火屋  
稅

五年五月江淮旱給占城稻種教民種之

天禧元年六月江淮南蝗并言自死

四年江淮稔

天聖四年六月江淮南大水肆赦蠲租撫流民

六年七月江寧府六合江水溢壞官民廬舍遣使安

撫賑卹

明道元年二月江東淮南旱饑

上元二年江淮大饑

寶應元年江東大疫人民死者過半

貞元二年魚鱉蔽江而下皆無首六月江溢

八年七月江淮大水害稼溺死人漂沒城郭廬舍八

月遣官宣撫

元和三年江南旱

長慶二年江淮饑

三年三月江南旱遣使宣撫

太和四年江南大水害稼

八年夏江淮大旱



開成四年夏江溢大水害稼

會昌元年七月江南大水

咸通二年江淮旱

七年江淮大水

九年江淮旱蝗

中和四年江南大旱饑人相食

光啓元年正月江水赤凡數日

吳太和六年二月甲申金陵大火乙酉又大火

南唐昇元六年十一月溧水縣天興寺桑樹生木人

民饑疫死者過半

慶曆八年正月江寧府火宮室焚燬殆盡惟南唐王  
燭殿僅存

皇祐三年八月江南淮南饑遣使安撫

五年江寧府蝗

嘉祐元年五月江溢

熙寧元年江寧府飛蝗自江北來

六年溧陽大旱十月賑江淮饑

元豐四年七月大風潮漂蕩沿江廬舍損田稼

建中靖國元年江淮旱

大觀三年江淮大旱守臣曾孝序上言欲將常平司



見在諸色錢諸司封椿錢趁時收糴稻種候將來  
春種出糴與力田之人

政和三年江東旱

五年六月江寧府水災

重和元年江淮水詔監司督責州縣還集流民

建炎二年十月霖雨

三年六月大霖雨詔郎官以上言闕政十一月江南

大旱

紹興七年十二月中書門下省檢校正官張宗元寓

建康槃冰有文如畫佳卉茂木華葉相敷日易以

水變態奇出至春暄乃止是年六合旱建康疫

十一年九月建康大火延燒府治自外門至堂宅皆

燬惟軍資庫及大軍庫無損是年大旱

十七年建康火

十八年夏江東淮南旱

隆興元年江東大水悉蠲其租

二年七月建康大水浸城郭壞廬舍操舟行市者累

日人溺死甚衆詔賑之并各官陳闕失

乾道二年十二月六合武鋒軍壘火

三年江東蝗賑之



四年七月建康水

六年五月建康水城市有深丈餘者人多流徙詔被水縣分人戶今年身丁錢並與放免

七年三月江東旱賑之

九年旱

淳熙二年建康大旱饑知府事劉琪賑濟之六合饑詔賑以常平米

四年建康雨雹民饑

五年閏六月雨雹者再

八年建康饑知府事范成大請賑從之

九年七月六合蝗

十年建康旱

十一年建康雨水七月禁諸州遏糴詔賑卹之

十五年五月六合大水

紹熙三年江東水

四年八月賑江東旱傷貧民

五年建康大水賑之仍蠲其賦

慶元四年建康饑軍乏食

六年建康旱賑之

嘉泰元年江東淮南旱賑之仍蠲其賦



嘉定二年建康蝗旱大饑斗米數千錢人食草木詔  
收養遺棄小兒

八年四月六合蝗六月詔江淮諭民雜種粟麥麻豆  
有司毋收其賦田主毋責其租七月建康旱甚發  
米賑之運使真德秀又合本道義倉及轉般米數  
十萬斛賑贍仍開東門外新河因役力以食饑民  
十四年建康大水

寶慶三年秋溧水澇

嘉熙元年四月建康旱

淳祐六年六月江淮飛蝗蔽空集食禾豆

景定四年溧陽饑知府事姚希得賑之

咸淳二年五月大雨水遣濟饑民

四年三月建康疫放免夏稅市利錢

六年江南大旱

七年江南饑

德祐元年江東饑疫

元至元十九年六合水

二十七年江南大水發粟以賑流民

二十八年溧陽路饑賑之

元貞元年五月建康水



二年六月建康蝗發粟賑之

大德二年正月建康溧陽水賑之仍弛澤梁之禁

三年溧陽大旱

五年七月暴風起東北江溢六合民被災發米以賑  
六年七月建康民饑以米二萬石賑之

十一年建康大饑總管岳天禎勸賑

至大元年建康民饑疫死者相枕於道給米賑之

二年六月江寧上元溧水句容蝗

延祐元年八月建康大水發廩減價賑糶

泰定元年六月六合旱江東水傷田

三年建康路饑賑之溧陽六合大水

四年四月建康屬縣并六合饑賑糧鈔有差

天曆二年旱饑勸率富民賑糧一月

至順元年三月集慶路饑七月江南水

四年五月句容大水五基山崩六月以江淮饑減今

年夏稅秋江寧不雨

元統二年秋江寧旱

至正元年揚子江一夕忽竭舟楫皆閣於塗中露錢  
貨無數蓋累年覆舟遺物也人爭取之潮至輒走  
潮退復然累日江始安流識者曰此江笑也後果



先失江南

九年七月大霖雨江溢漂沒民居禾稼

十三年秋六合旱

十七年五月上元瑞麥一莖二穗者二

吳元年五月句容麥生一莖二穗

明洪武二年十月壬戌朔甘露降於鍾山

三年六月旱

五年六月句容民獻嘉瓜二實一蒂

八年八月大旱

九年五月水溢

十年正月雨水如墨汁十月有虎白日入漢西門傷人

二十年溧陽大旱

二十六年四月大旱求直言錄囚徒

二十九年溧陽大旱禾稿

建文元年三月地震

四年溧陽地震蝗遍野

永樂二年地震

六年府學災

十三年九月溧水大水



十六年江寧縣治火

洪熙元年四月地震六月地震十二月又震

宣德二年二月地震

四年正月地震

五年六合饑遣官勸賑

六年溧陽饑

九年溧水大旱

正統八年溧陽旱秋澇

十二年五月六合蝗

十三年龍潭江水奔潰

十四年六月震雹風雨交作火詔赦賑恤

景泰元年溧水大水平地三尺

六年江水泛漲溧陽夏秋大旱民饑疫

天順元年溧陽縣治火延民居殆盡

五年五月江南北大水

七年冬溧陽學災

八年溧水水

成化元年七月應天水災

二年四月上元等縣饑民相食命戶部議賑之

四年夏溧陽溧水大旱



六年四月旬容溧陽溧水江浦六合大水免稅  
七年民饑遣官巡視府學災

八年七月大風雨江溢議恤之

九年七月以水旱災免上元等縣去年秋糧

十一年六合火延燒千餘家

十二年正月辛亥地震有聲

十七年二月地震猛虎近城殺人行守臣優恤溧陽

春夏大旱七月大雨水溢

十九年正月溧陽大雪七日樹冰如花

二十一年秋溧水大旱

二十二年九月民饑

弘治元年溧水大旱

五年冬六合大雪

七年夏溧水大水九月大風屋瓦俱落

八年十月地震

十四年十月溧陽地震

十六年江潮入望京門浦口城圯遣官祭告江神六

合大饑發粟賑之

十八年六月霖雨七月大風拔木九月溧陽地震

正德三年溧陽溧水高淳旱



四年六月空中有聲自北來如數萬甲兵都民震恐  
踰月方止冬大雪樹皆枯死

五年溧陽溧水高淳大水傷稼蠲租

七年高淳學火災

十二年夏六合霖雨滁水泛溢街衢乘船筏往來溧  
沒廬舍甚衆

十四年六月溧陽大水

十五年溧陽水六合大風潮沒民田廬

嘉靖元年七月大風自江北來屋瓦皆飛樹木盡折  
以府屬水災減田塲租稅

二年大旱米價騰湧人相食遣侍郎席書賑之仍蠲

馬價

三年自春至夏疫癘大作死者相枕於道

七年溧陽大旱

八年六合蝗飛蔽天

十年江溢沒江浦六合田夏溧水大水沒民居

十一年夏秋六合溧水蝗

十四年溧陽江浦六合蝗旱賑之

十五年句容蝻生溧陽雨雹

十六年夏六合水



十七年句容大水溧水東廬馬鞍等山蛟出蕩邑城  
溺人

十八年七月大風捲水貫真州漂失塩塲數十處人  
民死者無筭其日揚子江水涸數十丈

二十三年夏秋大旱民饑

二十四年夏大旱

二十八年溧陽大水

二十九年七月六合蝗

三十一年夏六合疫

三十三年六合旱

三十四年六合麥大稔六月水没田禾十二月地震

三十五年二月六合地震

三十八年四月雨雹七月地震溧陽大旱

三十九年七月江水漲至三山門秦淮民居有深數  
尺者至九月始退漫及六合高淳冬大雪禽鳥戢

翼凍死木冰如花十二月夜震

四十年溧陽大水平地深及丈瀾望成川七月地震

四十一年溧陽大疫六月六合大風拔木水溢

四十二年二月震大報恩寺火作一夕俱燼

四十五年六月六合大雨水傷禾十二月大雪二十



餘日民有凍死者

隆慶三年閏六月潮沒瓜埠壞民田廬

四年正月火一夕數發踰月方止冬六合饑奏准府屬變賣種馬之半免蘆洲逋課

萬曆四年三月雨雹十月雷

五年春不雨井泉多竭河可涉

十四年五月大雨自初三至十七日城中水高數尺江東門至三山門可行舟

十六年夏旱疫死者無筭聚寶門軍以豆記棺日計升計

十九年三山民家牛產一黃犢七足腹下四足脊上

三足皆輒前後竅各二

三十三年十月鍾山有白氣如疋練濶丈許從申至亥先白色日入卽黑當獲妖賊劉天緒等正法

三十四年八月城內大火延燒共十七處空中烟頭交結三山街延燒至貢院棘墻下

三十五年正月雪後府學前泮池內冰結爲花水紋成匡匡內大花一朶枝梗四出如嘉興錦欽天監占主水兆

三十六年五月初三日秦淮河乾見底至十三日潮



水忽漲二日夜卽平岸夏至後大雨半月餘平地皆水自學宮泛舟直至大殿前江南圩田盡沒江中渰沒浮屍相續

三十七年有鼠從湖廣涉洞庭至揚子江晝伏夜行尾尾相啣渡水如履平土至岸卽入人家在野卽傷田禾

三十九年八月秣陵城內磨坊猪產一物其形猪也頂上生一目鼻長二寸許

四十六年二月清明日夜一鼓時東北有星大如斗赤色向南行有聲若雷雞犬皆驚其光燭地織毫畢見墜於西聲聞者三

四十七年鼠渡江如前

天啓元年 月白氣起於翼軫之野初如彗久之漸大自東北亘天至西北如蚩尤旗占三度半至十月方沒

崇禎七年 月有大風起吹落皇城門內扁二字於地跌碎僅存木匡在檐下

八年 月巳午二時白虹貫日虹如連環者二東西二虹如背日在連環交處無光作白色又有大白氣一道貫日與虹中



九年旱自四月至七月不雨遍野如掃

十年冬木介先是大霧晦冥霧斂著樹冰雪有若旗  
槍稜脊森然

十三年旱蝗大饑斗米千錢

十四年五月大疫死者數萬人至有闔門盡斃無人  
收殮者

十六年十一月火藥庫災震驚遠邇傷三十餘人藥  
之所激空棺飛過數十家庫梁飛入錦衣衛堂上  
國朝順治二年元旦大雪雷電交作

六年十月初一辛卯日食既晝晦恒星皆見從午至

申市肆皆舉火

七年冬除夕大雪雷電交作

康熙二年九月大水船行市上較戊申年僅小九寸十  
月彗星見東南凡五十餘日明年二月復見奉

旨修省

三年三月雨雹

四年十一月溧水崇賢鄉古秦淮河水涸鄉民顧起  
龍等掘地取土得玉璽一方蟠螭紐色蒼碧高二  
寸許圍一尺六寸上鑄人心惟危道心惟微惟精  
惟一允執厥中一十六字知縣馮泰運具文報府



知府陳開虞轉報督撫獻入

京師

六年六合蝗

論曰君子道其常災祥之異以志警也若夫鏡微燭渺有能明江都仁愛之理効文靖四方水旱之陳者雖咎徵未始非祥如以耳食之見傳會成說則文景

**之** **書** **袖** **去** 辰宋仁之裂地雨雹與趙蜀之鳳羽飾筵  
軍駕車徒滋矯誣矣



江寧府志卷之二十九終



